

多疑之是當以孟子爲斷齊世家太公封營邱都城記召公封燕山皆孟子所謂百里國去此遠矣春秋左氏傳云北至無棣索隱謂指征伐所至之地言後乃以此爲境者當由末季廓而大之非始封之舊又據燕世家齊桓公伐山戎還燕君送出境今滄州是也則燕齊接壤始於春秋

秦爲上谷郡

顧祖范方輿紀要素秦上谷郡今順天河間等地

按史漢秦二世元年韓廣自立爲燕王高帝元年二月項羽分燕爲二廣爲遼東王臧荼爲燕王八月荼殺廣并其地五年荼反上自將征之虜荼

天津府志

卷之二 地輿

二

前漢爲幽州漁陽渤海二郡地

渤海書作勃

按後漢書王莽篡漢郡邑悉更王郎據邯鄲徇下幽冀彭寵繼叛徇廣陽上谷等地

後漢爲幽州漁陽冀州勃海二郡地

按後漢書公孫瓚傳袁紹以所佩勃海太守印綬授瓚從弟範範背紹領勃海兵助瓚瓚自署其將帥爲青兗冀三州刺史又袁紹傳卓授紹勃海太守封邠鄉侯紹猶兼稱司隸初平元年以勃海起兵以從弟後將軍術冀州牧韓馥等同時起以討卓爲名後馥送印綬讓紹紹遂領冀州牧紹死逢

配等矯紹遺命奉尚爲嗣後滅於魏晉志謂魏武
定霸三方鼎立得漢都者五十四世漢陽置樂陵
章武府境遂爲魏有益自炎祚陵魏魏魏魏魏魏
紹雖未稱尊而署官領牧未聞請命於朝則與魏
踞何異吳魏三分綱目帝蜀雖有因草不足重經
故削之

晉爲幽州燕國及冀州勃海郡樂陵國章武國地

按晉地理志惠帝之後幽冀具淪於石勒國魏趙
後爲慕容儁所滅儁爲前燕子暉爲符堅所滅堅
敗其地復入慕容垂爲後燕後入魏其南朝自晉
迄陳僻陋僑置不足附記

天津府志

卷之二

地輿

三

後魏爲幽州漁陽郡冀州勃海郡滄州浮陽郡樂陵
郡地

按隋書地理志云後齊承魏末喪亂與周人抗衡
雖開拓淮南而郡縣辟小天保之末總加併省周
氏關中草創及東夏削平多有省廢事跡糾分難
可具紀

隋爲冀州涿郡河間郡兗州勃海郡地

按寰宇分合志煬帝十三年漳南人竇建德稱長
樂王取深冀昌定等州國號夏又取唐邢洛滄相

諸州後秦王斬之其將劉黑闥起兵漳南敗李神
通於幽州武德三年自稱漢東王都洛州盡復建
德地秦王討之兵敗奔突厥引之入寇太子建成
敗之爲其下所執以降斬之又方輿紀要云隋書
平原縣有豆子航自高齊以來羣盜多匿其中大
業七年劉霸道聚衆於此後格謙據之又寰宇分
合志格謙敗高開道收其衆據漁陽稱燕王七年
爲其下所殺括地志自勃海至平原其間沿海煮
鹽之處土人謂之豆子航羅氏云河
間之豆子航
卽鹹水沽也

唐爲河北道幽州范陽郡滄州景城郡乾寧軍及景

天津府志

卷之二 地輿

四

州也

按史唐自安史反范陽希采畔盧龍滔延克融接
踵而起李載義楊志誠史元忠陳行泰陳絳周綝
張允伸李茂勳李全忠李匡儔朝更暮改莫能寧
息其順命者惟橫海一軍而已及克用人幽匡儔
走死五代史克用本紀乾寧元年冬攻幽州李匡儔棄城走追至景城見殺乃略定

幽涿瀛莫媯檀薊順營平新武表劉仁恭爲留後

河北幾就理矣及安塞僭軍五代史乾寧四年仁恭叛晉克用討之戰

於安塞軍景滄被襲史略仁恭子守文仁恭致隴

克用大敗襲取滄景德三州仁恭致隴
蜀之望於河朔全忠收蚌雀之利於瀛滄史略仁恭獲十

二州兵欲兼河朔羅紹威求救於朱全忠守文被擒守光僭號迨滅於石晉而燕雲十六州旋歸外域雖顯德有瀛莫之復此外之侵陷蓋不少矣

宋為燕山路燕山府河北路滄州景城郡及清州地

金為中都路大興府河北東路滄清二州地

元為大都瀋州燕南河間路滄清二州地
按方輿紀要元末羣賊毛貴等由清滄而北趣河間逾直沽其時已為賊壘至元亡始靖

明為直隸順天河間二府及天津衛地

國朝初因之雍正九年設天津府領六縣一州天津靜

天津府志

卷之二

地輿

五

海青縣滄州南皮鹽山慶雲

天津縣

漢為漁陽郡之泉州縣勃海郡章武縣參戶縣地

按縣志據漢書沽水至泉州入海河水至章武入

海今直沽海口是也又雍正八年撥武清靜海滄

州二百六十七村莊歸天津武清本漢泉州滄州

則漢之勃海靜海則漢泉州參戶界也

說詳青縣靜海

晉為燕國之泉州縣章武國之章武縣及勃海郡地

畿輔通志後漢省參戶入章武

後魏為漁陽郡之雍奴縣

魏地形志真君七年併泉州入雍奴滄州

州之浮陽郡章武縣地

隋為涿郡之雍奴縣河間之魯城縣禹貢錐指謂長魯城本章武

舊唐書漢參戶後周改長蘆又隋書謂開皇置長蘆及勃海郡地

按方輿紀要謂高齊省章武入平舒據地形志浮

陽郡有章武縣章武郡有西章武縣章武縣故城

即乾符城在今滄州西章武故城在今大城縣大

城縣漢平舒也方輿紀要蓋誤西章武為浮陽郡

之章武耳縣志辨之甚詳

唐為幽州之武清縣唐地理志天寶改雍奴為武清滄州乾符縣長

蘆縣地地理志乾符二年更魯城為乾符

天津府志

卷之二

地輿

六一

宋為燕山府之武清縣滄州清池縣周顯德中併乾符入清池及

清州地

金為大興府武清縣滄州清池縣又靖海縣地金地志

明昌四年以清州窩子口置靖海縣

元為海津鎮及灤州之武清縣滄州清州之靖海縣

地

明為天津衛及順天府之武清縣滄州靖海縣地

國朝初因之雍正三年改衛為州九年設府改州為縣

以武清滄州靜海二百六十七村莊屬焉治郭下

青縣

按河間府及縣志謂春秋時為清國晉為清州攷

春秋經傳諸國如魯宋邾鄭宿祭申共紀夷衛莒

向號齊杞陳蔡南燕邾滕凡戴許薛息隱公郟鄧晉

芮魏秦州西吳虞曹楚隨穀黃梁巴荀賈貳軫郟

絞蓼羅賴牟葛桓公於餘邱郟譚遂滑權蕭徐郟莊公

邢耿霍陽閔公江舒弦道柏小邾溫郟厲英氏項密

任須句顓臾頓管毛聃雍畢原鄆郟邠邶應韓蔣茅

胙都夔有莘介僖公沈六麋巢庸文公郟邳萊根牟唐

黎宣公鄆瑕吳成公有窮鉏寒有鬲斟灌斟尋過戈備

陽邾豕韋杜舒鳩胡襄公北燕三苗觀扈姚邳奄姒

天津府志

卷之二

地輿

七

蓐駘岐毫房甲父大庭邾鄫鍾吾有仍昭公桐封

父密須越定公有虞哀公凡百五十七並無清國晉志言知

其所居者百三十九國盡亡其處者凡三十一國

與此稍有異同然志分過有過仍有仍為四國又

以鞏闕窮桑為若隱四年遇清之清則衛邑也閔

元年鄭賦清人之清則鄭邑也成十八年齊使清

人殺國勝之清則陽平縣也哀十三年齊師伐我

州

漢為漁陽郡之泉州縣勃海郡之參戶縣地

按舊志青縣宋為清州據宋地理志清州本乾寧

軍幽州蘆臺軍地大觀二年升爲州

方輿紀要云升爲清州

明一統志洪武七年廢清州爲青縣則縣本蘆臺軍地方輿紀要引九域志謂滄州西北九十里唐置蘆臺軍後廢爲馮橋鎮乾寧中復置蘆臺軍亦曰乾寧軍俱不言蘆臺爲古何縣地據畿輔通志謂蘆臺鎮在寶坻縣東南一百四十里又據金劉晞顏新建寶坻縣記云唐末劉仁恭子守光置蘆臺於海口鎮以備滄州後唐莊宗將周德威復收蘆臺軍石晉以十六州賂遼改爲燕京因置新倉鎮後於武清北鄙置香河金大定十三年改鎮爲

寶坻縣金地理志所謂寶坻本新倉鎮畿輔通志所謂寶坻唐爲武清是也武清本漢泉州縣地元魏併入雍奴唐爲武清其沿革瞭然也又以爲參戶長蘆者據畿輔通志謂青縣漢置參戶後漢省入章武縣據方輿紀要熙寧四年省長蘆爲鎮入清池按史宋金元滄州俱治清池今滄州舊城是也續文獻通考永樂徙治長蘆今州治是也據舊唐書漢置參戶後周改長蘆又據元和郡國志參戶故城一名木門城在長蘆縣西北四十里據畿輔通志滄州西北七十里至青縣治青縣東南三

十里至滄州界則參戶故城介清滄二境之間其所隸之地亦當分屬清滄今青縣志西南三十里有木門鎮滄州志有木門城鎮與城似乎不同要之城者卽熙寧所省縣則鎮卽是城志蓋誤東南爲西南耳若滄州志及河間府志俱謂城在舊州治西北四十六里不知舊州治卽清池故城木門城在今州治西北今州治卽長蘆故城續文獻通考謂永樂時所遷也據此則縣西北當爲漢泉州地東南當爲漢參戶地河間府志沿革不言漢晉誤也

天津府志

卷之二

地輿

九

晉爲燕國泉州縣章武國章武縣地

畿輔通志後漢省參戶縣入章

武

後魏爲漁陽郡之雍奴縣

魏併泉州入雍奴

浮陽郡之章武

縣地

隋爲涿郡之雍奴縣河間郡之長蘆縣地

周改漢參戶縣爲長

蘆

唐爲范陽郡武清縣乾寧軍及滄州之長蘆縣地

按續文獻通考乾寧軍本唐蘆臺軍據曹能始名勝志蘆臺軍爲後唐同光中劉守光所置與前所引劉晞顏說同若乾寧爲唐昭宗紀元乾寧軍營

設於此時故以軍歸之唐又方輿紀要謂唐置蘆臺軍後廢乾寧中復置蘆臺軍亦曰乾寧軍其說未必無據但據所引劉仁恭父子事仁恭則曰營於乾寧軍守光則曰軍於蘆臺則仁恭時尚無蘆臺名故從名勝志說

又按河間府志云青縣唐爲幽州註云蘆臺軍之地據唐地理志幽州有大都督府有縣有軍烏得以幽州總名槩之而僅以蘆臺軍正文爲之註

周置永安縣屬滄州

按石晉以山前後十六州賂契丹武清縣已入外

天津府志

卷之二 地輿

十

域方輿紀要謂契丹改乾寧軍爲寧州縣志以爲寧國誤

則縣南境長蘆地尚屬中國周世宗平三關置永安縣

安縣

宋太平興國七年置軍方輿紀要云改縣曰乾寧大

觀二年升爲州元地理志云大觀中以河清改清州政和三年改郡

曰乾寧領縣一乾寧砦六鈞臺獨流北獨流東當城沙溝百萬

按此本宋地理志說則宋初置軍設縣後升縣爲

州又改州爲郡矣據其說則改郡之後不復置州

金地理志亦謂清州本宋乾寧郡乃志則仍列爲

清州而不言郡誤也

又按縣志政和更乾寧郡熙寧六年省爲鎮據宋志清州領縣一熙寧六年省爲鎮元符三年復崇寧三年復省政和五年又復則兩省又兩復縣志只言一省誤也又政和爲徽宗紀元熙寧爲神宗紀元志乃以政和加於熙寧之前大誤

金爲清州隸河北東路縣三

會川與濟靖海金地理志國初因宋置軍天會

七年以守邊置防禦會川本乾寧貞元二年改興齊本隸滄州大定六年來屬靖海本清州之窩口
若明昌四年置縣治會川

元爲河間路清州領縣三

會川靖海興濟元地理志太宗二年改清寧府七年

又改清州至元二年以靖海興濟及本州司候司併爲會川後復置清州治會川

天津府志

卷之二 地輿

十一

按元地理志言金爲乾寧郡據兩史宋置郡金未嘗置郡此元志之誤

又按縣志云元太宗七年仍爲清州至元二年仍爲會川縣據元志固謂併爲會川然旋併旋復志言併不言復大誤

明改青縣屬河間府

續文獻通考明初以靖海縣改屬河間明一統志明初省會川

入清州洪武七年改清州爲青縣方輿紀要明以興濟改屬河間續文獻通考云興濟金元屬清州明因之誤也

國朝初因之順治六年省興濟入焉屬河間雍正三年改屬天津州九年設府以縣來屬

附會川縣 周永安縣宋曰乾寧縣金曰會川隸清州元因之明初省入清州後爲青縣

附興濟縣 宋乾寧縣之獨流砦清池之巷姑砦

地方輿紀要興濟縣有獨流巷姑二砦 大觀初置興濟縣屬滄州金

興濟縣隸清州元因之明改隸河間府

國朝順治六年省入青縣

按續文獻通考謂興濟本宋范橋鎮大觀初置縣

方輿紀要之說同然據金地理志清州統縣三會

川興濟靖海鎮一范橋屬會川若興濟卽范橋鎮

則言興濟不必言范橋矣卽言范橋亦當屬興濟

天津府志

卷之二 地輿

十三

不當屬會川矣今范橋明與興濟並列而又屬會

川則興濟非范橋可知故第以二砦言之

靜海縣 宋以前詳青縣

宋爲清州之窩子砦

按此據金地理志言之河間府志謂宋大觀中置

靖海縣復廢此於宋志無考且與金地理志不符

金置靖海縣隸河北路清州

金地理志明昌四年以清州窩子口置縣

明初改靜海縣屬河間府

國朝初因之雍正三年屬天津州八年撥天津衛原轄

屯地就近歸縣又撥縣原轄十五村莊歸天津州

九年設府以縣來屬

滄州

按滄州志云勃海國古鉅靈後裔肇封之土以封爲氏曰封鉅又謂唐虞三代俱爲勃海據班固古今人物表封鉅爲黃帝師無封勃海說故鄭澆滌族略不載萬姓統譜封氏出勃海郡亦無封國說鉅靈於古無考惟佐禹治水六臣有巨靈水經注巨靈擘華岳是也酈道元謂登華不見巨靈遺蹟則有無仍不可知况本作巨不作鉅志似誤合巨靈封鉅爲一人而又訛巨爲鉅耳又三代無勃海

天津府志

卷之二 地輿

三

名秦三十六郡亦無勃海勃海郡起於漢古安得有勃海封國

又按州志據春秋左傳襄二十七年衛侯弟鱣托於木門因州西北界有木門城故以州爲晉地據傳註木門晉地而不詳其處據方輿紀要云或以鱣托木門卽此則第因木門之名言之非確有所據也漢書趙地至章武河北亦據戰國時言且州之燕留城明爲春秋齊燕分界之地亦不得第以爲晉地也

漢爲幽州勃海郡地

地理志高帝置莽曰迎海師前古曰在勃海之濱因以爲名

漢領縣二十六 浮陽陽信東光阜城干童重合南皮定章武中邑高城高樂參戶成

平柳臨樂東平舒重平安次修修市文安景成束州建城章鄉蒲領 治浮陽後漢領

八城 南皮高城重合浮陽東光章武陽信修 治南皮

晉為勃海郡領縣十 南皮東光浮陽饒安高城東安陵修廣川阜城 治南皮

按明一統志謂晉為勃海國據晉地理志言郡不

言國故從晉志斷為郡

後魏為滄州領郡三 浮陽樂陵安德 縣十二 浮陽郡縣四饒安浮陽高城章

武樂陵郡縣四樂陵陽信厭次隰沃安德郡縣四般重合重平平昌地形志云熙平二年分瀛莫二

州治饒安冀州勃海郡領縣四 南皮東光 治南皮

地形志世祖初改滄州郡太和二十一年復

天津府志

卷之二 地輿

按州志北魏勃海郡改號滄水郡尋改東路滄州

據魏書有滄州又有勃海是本分而為二也所謂

改勃海為滄州不知何據且地形志亦無東路之

說

又按河間府志謂北魏為滄州浮陽郡據地形志

滄州領浮陽樂陵安德三郡雖治浮陽之饒安烏

得以浮陽槩滄州

隋初置棣州後為滄州尋改勃海郡 隋地理志開皇六年置棣州大

業二年為滄州方輿紀要明年又改勃海郡 領縣十 陽信樂陵滴河厭

鹽山南皮清池 治陽信

按隋地理志明列勃海郡而志無改郡之說此史之漏也故以方輿紀要說補之

唐為河北道滄州景城郡統縣七清池鹽山長蘆樂陵饒安無棣乾符

治清池新唐書地理志武德元年徙治饒安六年徙治胡蘇貞觀元年復治清池西南有橫

海軍開元四年置天寶後廢大歷元年復置又舊志天寶元年改景城郡元地理志唐改景城郡後

仍為滄州舊唐書武德四年寶建德分饒安置兩津縣五年以清池屬東鹽州六年以觀州胡蘇縣

來屬仍徙治之又省棣州以滴河厭次陽信樂陵來屬貞觀元年以瀛州之景城廢景州之長蘆南

皮魯城三縣廢東鹽州之鹽山清池二縣並來屬又以滴河厭次二縣屬德州以胡蘇屬觀州仍移

治清池又省鬲津入樂陵省無棣入陽信八年復置無棣十七年以廢觀州之弓高東光胡蘇來屬

割陽信屬棣州天寶元年改為景城郡乾元元年復為滄州與新唐書微有異同但新唐書明列滄

天津府志 卷之二 地輿 五

州景城郡及七縣而不言廢置未免大畧 治清池

按史略唐橫海軍治滄州據唐地理志滄州西南

有橫海軍非治滄州也

宋為河北東路滄州景城郡橫海軍節度領縣五清池

無棣鹽山 治清池方輿紀要梁乾化五年滄州屬樂陵南皮

仍號橫海軍

金為滄州橫海軍節度統縣五鎮十一清池縣鎮五長蘆新饒安

舊饒安乾符郭疇舊有郭橋後廢無棣縣鎮一分水鹽山縣鎮四海豐海潤後增利豐樸頭南皮縣

鎮一馬明樂陵縣舊有會寧河永利東中三鎮後廢 治清池

按金地理志作橫海軍元地理志則云金為臨海

軍明一統志亦謂金陞為臨海軍據橫海之名創自唐五代晉則有臨海軍與橫海軍並列則橫海非臨海可知河間府志元為臨海後改滄州州志謂尋更臨海

元為河間路滄州領縣五清池樂陵南皮無棣鹽山治清池

按州志元仍臨海軍延祐元年改滄州據元志明

言金為臨海軍元為滄州無延祐改州之說

明為直隸河間府滄州統縣三續文獻通考明省清池入州為州治領慶

雲鹽山南皮三縣

國朝初因之雍正三年升直隸州領縣四南皮鹽山九慶雲東光

天津府志 卷之二 地輿 六

年設府以州及南皮鹽山慶雲並來屬東光還隸河間府

南皮縣舊志謂史齊桓公北伐山戎繕修皮革因築城焉按史記只言伐山戎無繕皮說

秦為南皮自秦至今俱曰南皮

按方輿紀要謂秦末置成安郡於此羽因封陳餘號成安君據史記項羽紀羽聞成安君陳餘在南

皮因封之是餘本號成安君非封南皮之號也又

史記正義據地理志謂成安縣在潁川郡不在此

前漢隸勃海郡師古云闕駟謂章武有北皮亭故此云南皮莽曰迎河亭後漢因

之為勃海治

晉及後魏隋因之隋徙勃海郡治陽信

按縣志云隋治河倉於此此於史志無考惟金地
理志云南皮置河倉又按縣志云大業中屬滄州
尋隸勃海據隋大業中置滄州尋改勃海則滄州
勃海一耳非有一滄州又有一勃海乃移滄州之
南皮屬勃海也

唐隸河北路景州

地理志貞元三年析滄州之弓高
東光臨津置景州長慶元年廢二

年復以弓高東光臨津南皮景城置大和四年又
廢景福元年復置又謂縣有唐昌軍貞元二十一
年置

按縣志云唐南皮屬河北道尋改隸義昌軍據唐

地理志南皮屬河北道之景州志第言河北未免

天津府志

卷之二

地輿

七

脫略又史略大和二年罷橫海軍置齊德節度五
年賜號義昌軍咸通中領滄德景三州縣志故以
為改隸義昌軍但南皮之隸河北路景州自唐初
已然至咸通已歷二百餘年始改隸義昌軍焉得
曰尋改隸義昌

宋隸滄州景城郡橫海軍後省臨津縣入焉

明一統志周屬

滄州宋地理志熙寧
六年省臨津入南皮

金因之元屬河間路滄州明因之

國朝初因之雍正七年屬直隸滄州九年設府以縣來

屬

附臨津縣

縣志不載臨津沿革為補之

漢為勃海郡之東光縣

地晉及後魏因之東魏分置胡蘇縣

漢地理志東光有胡蘇亭

劉煦云縣置於胡蘇亭故名

高齊廢

一云高齊置後周廢今從方輿紀要說

隋復

置胡蘇縣與東光並隸平原郡

隋地理志開皇十六年置胡蘇唐

初因之屬滄州後改臨津縣屬景州

唐地理志天寶元年改胡

蘇曰臨津

五代改屬滄州宋初因之後省入南皮縣

熙寧

六年為臨津鎮

後曰臨津店

鹽山縣

按縣志云勃海國侯鉅肇封之土以封為氏曰封鉅唐為勃海此與滄州志說同並

之刪

按縣志謂春秋為齊無棣又方輿紀要謂慶雲縣

天津府志

卷之二 地輿

六

東有無棣故城即左氏傳北至無棣之地二說不

同無棣說前已論之而未盡也據史記索隱謂無

棣在孤竹蓋指太公征伐所至言據傳管仲對楚

先言南至穆陵索隱謂即今淮陽之故穆陵門是

楚境也故舉之以見齊得伐楚之義若無棣為齊

地則穆陵亦當屬齊齊地而楚有之則齊正當聲

其侵陵之罪矣乃包茅不入南征不復而外不聞

一語及之則非齊地可知知穆陵之非齊地則無

棣從可知矣且據隋地理志析陽信為無棣縣慶

雲縣志謂因縣之無棣溝得名其無棣溝之名或

別有所指或因縣爲齊之北境故傳會左氏傳言要之二縣皆非左氏傳之無棣也

前漢爲勃海郡高城縣

都尉治

後漢改高城侯國仍隸

勃海

按縣志漢爲定縣柳縣爲高城爲千童爲章武據畿輔通志縣本漢高城又有柳縣故城縣志又有卅兮城卽千童則以爲高城柳縣千童縣可也若縣之章武城本舊志說方輿紀要非之謂章武城在大城縣蓋卽元魏章武郡城及西章武縣城也若浮陽郡之章武縣城卽滄州之乾符故城俱不在

天津府志

卷之二 地輿

九

鹽山又據河間府志謂後漢省定縣入高城其說郡國志無攷地理風俗記饒安縣東南三十里有定鄉城爲故定縣按方輿紀要饒安故城在滄州東北七十里畿輔通志鹽山北六十里至滄州界則去故定縣遠矣似未可傳會言之也

又按縣志云章武景侯竇廣國竇融俱封此據漢書廣國封章武是也若融則封安豐侯其弟友封顯親侯無封章武說

晉因之後魏亦曰高城隸冀州之浮陽郡

隋改縣曰鹽山隸兗州勃海郡

隋地理志開皇十八年又置浮水縣十八

年改高城曰鹽山大業初省浮水縣入焉

唐初為東鹽州唐地理志武德四年置州五年以後景州清池并析鹽山置浮水隸之

州廢仍為鹽山屬滄州景城郡唐志貞觀元年州廢省浮水以鹽山

屬滄州

按縣志云貞元二年省入樂陵此於史志無據據

唐志貞觀初省無棣入陽信縣志惟誤鹽山為無

棣故為此說不知無棣為慶雲非鹽山也又舊唐

書貞觀元年省鬲津入樂陵亦非鹽山

五代宋金元明俱因之宋隸河北路金隸河北東路

元隸河間路明隸直隸河間府縣志洪武九年徙今治舊治在香魚

天津府志

卷之二

地輿

三

館

國朝初因之雍正七年屬直隸滄州九年設府以縣來

屬

慶雲縣

漢為勃海郡陽信縣地畿輔通志慶雲隋為無棣舊唐書無棣為漢陽信縣

按河間府志云西漢析為鬲津縣屬勃海縣志亦

云析為鬲津蓋因縣有鬲津河故道故為此說據

地理志無鬲津縣惟平原郡鬲縣平當以為鬲津

莽曰平河亭然不屬勃海且無析置說據舊唐書

地理志景州為漢鬲縣地與慶雲無涉

晉隸樂陵國後魏北齊隸樂陵郡

後魏改國為郡

隋隸勃海

郡俱曰陽信開皇中分置無棣縣

隋地理志開皇六年分置

按河間府志謂析陽信縣北境方輿紀要及縣志

俱謂無棣在陽信城東南但據唐地理志無棣隸

滄州陽信隸棣州則無棣當在陽信之北今慶雲

縣也陽信則入山東

唐貞觀元年省無棣入陽信八年復置無棣隸滄州

景城郡

唐地理志武德四年析滄州之陽信等地置棣州舊唐書貞觀元年併無棣入陽信

八年復置太和二年屬棣州又復還滄州

按河間府志第謂太和二年以無棣隸棣州脫去

天津府志

卷之二

地輿

三

復還滄州一層誤也

宋因之又即無棣縣治置保順軍使

宋地理志英宗治平中徙無棣

縣泊保順軍即縣置軍使又云周置保順軍於滄州無棣縣南二十里開寶三年又以滄棣二州界

保順吳橋二鎮之地益焉仍隸滄州

按河間府志謂宋徙無棣縣治於保順軍據宋志

縣與軍俱徙因即縣治置軍使非徙縣治於軍也

又按縣志謂治平元年徙縣於保順軍是以軍置

為縣治此海豐稱無棣之始又云即縣治置軍是

以縣著作軍治此慶雲稱保順軍之始總之治平

以前保順軍在海豐縣治在慶雲故城治平以後

保順軍在慶雲故城縣治在海豐其說似鑿鑿有據矣但據唐宋志陽信隸棣州無棣隸滄州據元志割滄州無棣縣之半置縣亦曰無棣與陽信俱屬棣州則元之陽信當仍是唐宋舊域其滄州之無棣則今之慶雲棣州之無棣則今之海豐也續文獻通考以海豐為隋唐宋之無棣以陽信為元時所割滄州無棣之半似誤若宋則兼海豐慶雲合為無棣不得獨云海豐稱無棣况分陽信置無棣隋唐已然不得以治平中為稱無棣之始又據宋志雖即縣置軍然軍自為軍縣自為縣不相蒙也烏得謂無棣縣稱保順軍又據畿輔

天津府志

卷之二 地輿

三

通志慶雲縣東三十里至海豐界南三十里至陽信縣界宋志保定軍治平以前在縣南二十里烏得謂軍在海豐又宋志明云即縣治置軍使則縣與軍俱在一城烏得謂一在慶雲一在海豐

金為河北東路滄州無棣縣其棣州陽信縣隸山東東路

元初以無棣併入樂陵縣隸濟南之棣州尋復置滄州無棣縣隸燕南河間路又割滄州無棣縣之半置縣亦曰無棣與陽信並屬棣州

明永樂初改慶雲縣隸直隸河間府滄州

按畿輔通志謂永樂初避諱改慶雲是也縣志謂

洪武初改誤

國朝初因之雍正七年隸直隸滄州九年設府以縣來

屬

天津府 天津縣 靜海縣 青縣 滄州 南皮縣 鹽山縣 慶雲縣

夏

冀州 兗州

以下至 宋同青 縣

周

幽州 兗州

春秋

燕國 齊國

秦

上谷郡

南皮縣

前漢

幽州 漁陽郡 勃海郡

泉州縣 章武縣 勃海郡 參戶縣

泉州縣 勃海郡 南皮縣 高城縣 陽信縣 參戶縣 治浮縣 東光縣

統縣二 十六

天津府志

卷之二

地輿表

三

後漢

幽州 漁陽郡

泉州縣 章武縣

泉州縣 勃海郡 南皮縣 高城縣 侯陽信縣 章武縣 治南皮 勃海郡 國

冀州 勃海郡

勃海郡

統八城 治東光 縣

晉

幽州 燕國

泉州縣 章武縣

泉州縣 勃海郡 南皮縣 高城縣 陽信縣 章武縣 治南皮 勃海郡

冀州 勃海郡

勃海郡

統縣十 治東光 縣

章武國 樂陵國

後魏

幽州 漁陽郡

雍奴縣 章武縣

雍奴縣 滄州 領南皮縣 高城縣 陽信縣 章武縣 郡三縣 東光縣

冀州 勃海郡

滄州

十二治 饒安 浮

滄州 浮陽郡

陽郡 領

縣四治

樂陵郡 安德郡

浮陽郡 勃海郡

縣四治 南皮

南皮

